

甌北詩鈔

觀
北
村
影

甌北詩鈔七言古一

陽湖 趙翼 雲松

十不全歌

世間萬事無不有奇形乃見支離叟眼無縫頤有紐胸
怒蛙頸瘦狗足一腿手牛肘倮然一身叢百醜市頭坐
乞錢人呼十不全天生是使獨彼亦不知所以然我讀
山海經人生初本無定形或蛇身牛首或三臂獨肱臍
爲口無舌乳爲目無睛天公見之不好看逐件端相細
改換譬如塑佛欲成滿月面鼻才減幾分口小拓幾線
自從鑄就人樣子化工能事始虔矣聽他夫妻父子依

樣畫葫蘆大概不出範圍裏何哉爾獨缺不完縮長凸
短雙必單得非女媧搏土未定稿千年拋落荒山道爾
托生時不暇擇負之出胎太草草獨眼龍稱豪英豁鼻
馬爲公卿瞎兒一淚亦大貴鑿齒半人且得名爾則手
不能持足不能行同在覆載內天極地枯過此生噫噫
乎謂出自天意生之胡令痼疾廢謂是惡所招受形時
豈卽召戾將無輪回果報信有之今生苦是前生致不
覺對之爲悲涕願天生好人願人行好事

奇恣乃爾千古
絕作技

青山莊歌

毘陵城北皆平地何許林巒疊層翠路人說是青山莊

門帖新題官賣字我來出郭偶經行歟戶曾無主出迎
繡闥雕甍空尙在殘山剩水不勝情頭白園丁老扶病
爲余縷述資談柄園是前朝貴介爲依稀記得延陵姓
後屬安昌相國孫廿年行樂尤繁盛相國勲名在廟廊
清貧未有午橋莊令孫繼起爲方伯分陝曾栽召伯棠
罷官歸徙常州住百畝林局供散步入門便陋舊規樸
大笑前人太寒素已編錢埒買堂成拚倒金籬將地布
不覺松杉也改觀何曾臺榭還如故繚垣甃異枳編籬
砥室築臨花夾路十馬馳毬闕作塲百牛拖石排依樹
粉本溪山似幃懸壁衣簾溷齒紗護一重一掩景廻環

某水某邱途錯互倚杖疑探栗里幽汎舟訝入桃源誤
勝賞經年興不殘四時花鳥暢游觀清音警露鳴仙鶴
浩態嬌春豔牡丹西府海棠移釵砌上林盧橘植雕闌
跳波魚婢能知樂挂檻鸚哥解勸餐園林成後教歌舞
子弟兩班工按譜法曲猶傳菊部爭新腔催打花奴鼓
反腰貼地骨玲瓏擎掌迎風身媚嫵阿誰棋墅伴壺觴
綈几羅幙樂未央幸舍賓明珠履貴便房姬妾翠鈿香
傾城妓入籠鶯館要路官登射鴨堂熱客倚冰終日計
乞兒向火一羣忙土人自顧矜豪放揮霍不將錢篋障
博局籌償舊帑錢纏頭錦出新花樣茶經蟹眼淬棋槍

食品猩脣調醢醬蠟淚成堆更熱膏酒瓶卧壁仍傾釀
笙歌酣倚賞花亭燈火醉歸邀月舫自製當筵上壽詞
青山與我長無恙豈知卮漏比泉流猗頓潛懷折閱憂
已夫又思求塞馬未蹊輒欲奪田牛豪名本足招人妒
禍事真成與鬼謀張樂正期投轄飲叩門忽報檻車收
填尸園土悲黃犬回首歡場付爽鳩春夢一場那可再
祇今惟有青山在青山也要屬他人官價三千聽久貸
猶憶倉皇對簿趨難憑複壁寄錙銖委地圖籤爭剔玉
隨身衣履敢留珠翻教百口求春賃那有千金賄獄輪
籍到平泉花木簿林罪亦似淚模糊平生枉使錢如水

此日人情薄於紙有誰廣柳路旁迎并少綠珠樓下死
老僕如今也入官仍充園戶守荒寒飢窮全仗遊園客
給一文錢一度看往日監門梁肉厭近時失路斗升難
我聞此語心裊觸信有興衰如轉轂重向林巒曲折尋
繁華彷彿畱人目垂楊影裏釣堪垂秋樹根邊書可讀
愛山我乏買山資有山渠少看山福空餘別廟祀花神
自塑泥身占巖谷畫寢香消落燕泥空堂氣冷飛蝙蝠
平津廐庫古曾悲華屋山邱今莫哭梓澤風流昔未經
踏春偶到訪池亭無端一段園丁話說到傷心不忍聽
日暮歸途回望處夕陽猶照晚山青

極似梅村彷彿長慶體而
粉麝過之枚

題閭典史祠

傳芭伐鼓剗羊豕前代孤臣今代祀不讐枯骨國法

寬不忘忠魂民意美是時王師下金陵大江以南望

風迎小朝廷已被俘去爲誰保此彈丸城國亡援絕獨

拒守作計雖謬心則貞姓名已入點鬼簿滿城皆鬼作

鬼兵以鬼易人一當一人則怕死鬼怕生梯衝環攻百

道禦積屍高與雉堞平縛芻爲人夜取箭絕絙出卒霧

斫營軍久絕糧鼯鼠掘土不解甲蟣蝨生相持八十有

一日一日中有千輸贏君山礮聲沸江水鐵騎平明滿

街市短兵巷戰血尺深袒臂一呼仆者起力盡俱甘駢

分醲降洞闔壅隔塗山弗顧子泣咽轅轅并愁妻見嚇
亥章奉令繭跟踵支祁就縛鎖骨骼山河兩戒次第清
萬古坤輿奠祗席功成勒銘告歲事岫嶠山尖斲貞石
文括山海岳瀆經字挾沮誦倉頡蹟堯碑舜碣不可見
世間點畫此最昔開天古篆形模奇難與後人較波磔
想見摩崖作孽窠六丁下照火光赤我聞此碑久失稽
道人偶見旋復迷杜陵所觀已贗本肥而失真燭若犀
昌黎親到猿猱窟千搜萬索無端倪此刻何時出磨洗
使我創睹驚且喜得非鍊石充逸少或者朱繇貌道子
目無罔兩雙明瞳真假誰能定片紙我重聖德垂寰瀛

珍之不啻尺璧瑩洪荒秀樅數字外口不能讀心敢輕
盲翁捫籥但取似葉公好龍固爲名况茲筆力自奇古
不真亦是好手成貌薦敖即衣冠氣炬闕氏亦傀儡精
君不見七十七字長八尺蛟螭攫拏龜魚擲頑蟲蝕木
蛙眼枯雄雷劈山斧痕裂鑿椎欲破渾沌竅鑄鼎直寫
神姦魄嶧碑獵鼓空爾奇籥斯安有此體格縱輸明堂
琥璜價也比官縣追繇迹

戲題魁星像

是何猙獰鬼戴斗曷鼻魑顏貌粗醜云是星精主文衡
葉榜榮名在其手黃金點目儼方相牛頭夜叉舞跣踉

市頭忽逢白日鬼陣上何出黑而王似此險怪倘操鑒
寧免軋茁穴詞章我聞奎爲文昌宿一十六星光彩秀
昔時五緯聚此躔肇啓道學明如書不知何年訛爲魁
奉之不異膽三台東坡死後作魁宿道家幻語誰見來
古人字以象形起今反就字求形似遂令點頭朱衣人
抹粉塗丹作魑魅毋怪亭林老人笑科目人皆不識字
寒夜澄懷園步月

幽人夜吟一燈擁明月來窺入窗孔清景撩人眠不得
起步空林力賈勇流漸已涸澤腹枵殘雪未消山背腫
萬株枯樹無一葉似鳥畏寒翻去翫濕衣無聲霜華下

暗結冰稜磴滑睡此時世人盡酣睡蒙被家家繭裏蛭
清寒只我與嫦娥天上人間兩不槽興來登山發長嘯
喝退浮雲不敢湧林魑亦駭此狂生潛伏深叢盡驚恐
惜無人送半臂來不覺臞仙兩肩聳歸到虛堂清不寐
坐看庭階尚潑黍

清興獨絕

德麟

德州南有地名夾馬營查初白詩謂卽宋祖所生
地而以不能克復燕雲致鄉社拋落邊鄙曾不
如漢高之統有燕代詩中有微詞焉按宋紀太
祖生洛陽夾馬營張溲雲谷雜記及孫公談圃
亦云是夾馬營在洛陽此地特王侯同未可牽

合又楊誠齋揮麈錄謂南京應天寺本後唐夾
馬營大中祥符二年以太祖所生地建寺錫名
其說稍岐然宋南京乃今歸德府亦非德州地
也詩以正之

德州城南地如赭河畔有營名夾馬詩人曾賦宋遺墟
謂是發祥丹陵野我聞藝祖生洛陽紅光燭天騰異香
御極歸來謁桑梓舊埋石馬猶舍旁戎服登臺射弧矢
矢所落處昌陵起千秋魂魄依故鄉不比歌風悲沛里
是知生葬皆西京莫向平原覓遺址豈煩雞犬新豐移
肯使樓桑敵境委隔河雖是遠提封其時耶律亦正雄

君不見乾柴入烟讖終驗熱鐵翻餅語竟空病龍臺邊
返車駕拒馬河上棄甲弓關收飛狐復被陷城見掘蟹
旋罷攻由來燕雲氣尙隔天之所限人無功陳橋戴後
削僭偽已并諸國宅土中封椿庫擬換幽薊志豈一日
忘混同漢高亦未殄冒頓寧遂因此虧英風不揣時勢
輒懸斷母乃目睫論末公先生登高故能賦懷古情深
動遐慕爭墩偶忘謝公先疑塚幾被曹瞞誤才人往往
好逞才得題不暇放典故

登金山塔頂放歌

生不能挹浮邱袂拍洪崖肩又不能隨列子御風行冷

然黃塵蹴躡日奔走安得矯首凌雲烟我過金因凡五
度昨歲始一登又逼白日暮不及憑高暢遐顧今朝乃
到浮玉之頂來遊目四矚心爲開寥空飛鳥盡在下青
冥誰掃無纖埃不知上距大羅天邊尙幾里但覺繁星
磊落可摘三兩枚海門東去望不極混茫一氣雪浪堆
此中卽是瀛洲方丈兼蓬萊尻爲車兮神爲馬忽如山
僧出定遊九垓回視憑欄之我但肉胎臨江下瞰復殊
狀塔身如卧江濤上倘逢罡風獵獵吹我落不免竟入
魚腹葬振衣忽長嘯平生空負狂五嶽未遊一遇險心
已惶何以更向蓮花峯頭挽鐵索天台山上度石梁不